

Dhugaan gabbaramaan Rabbiin malee hin jiru. Inni tokkicha hiriya hin qabneedha. Mootummaan kan Isaati. Faaruunis kan Isaati. Inni waan hundaa irratti Danda'aadha." (si'a kudhan), (yoo dadhabe si'a tokkoo)

Subhaanallahi wa-bihamdihi, subhaanallahil aziim

Rabbiin faaruu Isaa waliin qulqullaa'e; Rabbiin Guddaan qulqullaa'e

Hiika jechootaa: Subhaana- qulqullaa'e, bihamdihii- faaruu Isaa waliin, Aziim- Garmalee Guddaa

Ergamaan Rabbii (SAW) zikrii tana ilaalchise akkana jedhan:

Jechoonni lama, arraba irratti salphoo, miizana (madaala) irratti ulfaato fi Ar-Rahmaan biratti jaallatamoo kan ta'an, "Subhaanallahi wa-bihamdihi, subhaanallahil aziim" dha. [Sahih Muslim 2694](#)

Kanaafu, zikrii tana baay'isuu qabna.

Allaahumma innii as'aluka ilman naafi'a, wa rizqan xayyiba, wa'amalan mutaqaabbala

Yaa Rabbi ani beekumsa fayyadu, soorata gaarii fi hojii qeebalamtuun si kadha." (Ganama) ([Sunan Ibn Maajah](#))

Hiika jechootaa: Innii-dhugumatti anii, as'aluka- Si kadha, ilman-beekumsa, naafi'a-fayyadu, rizqan-rizqii (soorata), xayyiba-gaarii,wa-fi amalan-hojii, mutaqaabbala-qeebalamaa (fuudhatama kan argatu)

3.Zikrii yeroo Hirriba irraa dammaquu (ka'uu)

Alhamdulillahilazii ahyanaa ba'ada maa amaatanaa, wa ileyh nushuur

"Faaruun kan Rabbii erga nu ajjeese booda Kan nu jiraachiseeti. Kaafamni Guyyaa Qiyaama gara Isaatti. " [Sahih al-Bukhari 6312](#)

Hiika jechoota: Alhamdulillah- faaruun kan Rabbiiti, allazii-kan, ahyanaa-nu jiraachise, ba'ada- erga...booda, amaatanaa-nu ajjeese, ileyh-gara Isaa, nushuur- kaafama Guyyaa Qiyaama,

Hubachiisa: amaatanaa-nu ajjeese yommuu jennu "Hirriba" jechuu keenya. Akkuma jedhamu hirribni obboleessa du'aati. Namni rafe akkuma nama du'ee wanta naannoo isaatti raawwatamu hin beeku yoo dammaqe malee.

4.Zikriiwan Hirribaa

Yommuu gara hirribaa deemu akkuma du'aayi godhu harka isaa walitti qabee Aayatal Kursiyyi (Suurah Al-Baqara 2:255) fi Aamana Rasuulu (suurah Baqara 2:285-286) ni qara'a. Namni yeroo gara firaashaa isaa dhaqu isaan qara'e tiksaan Rabbiin biraa ta'e isa biraa hin dhabamu. Hanga bariisifatutti shayxaanni isatti hin dhiyaatu. Bukhaariitu gabaase. Sahih al-Bukhari 5010

Du'aayiwwan kanniinis jechuu danda'a:

Allaahumma-qinii azaabaka yowma tab'asu ibaadaka

Yaa Rabbi guyyaa gabroottan Kee kaafu adabbii Kee irraa na tiksi." (si'a sadii) [Jami` at-Tirmidhi 3398](#) [Sahih Muslim 709 a](#)

Hiika jechootaa: qinii- na tiiksi, azaabaka- adabbii Kee, yowma-guyyaa, tab'asu-kaafu, ibaadaka-gabroottan Kee

Kitaaba wabii

[Hisnul muslim](#) Hiikan gara Afaan Oromoo: Gaalii Abbaaboor Abbaaguumaa

Kana Raabsi

- [Click to share on Facebook \(Opens in new window\)](#)
- [Click to share on WhatsApp \(Opens in new window\)](#)
- [Click to share on Telegram \(Opens in new window\)](#)
- [Click to share on Twitter \(Opens in new window\)](#)
- [Click to share on Google+ \(Opens in new window\)](#)
- [Click to email this to a friend \(Opens in new window\)](#)
- [Click to print \(Opens in new window\)](#)
- [More](#)